

286. **O. calyptostalix** Kränzl. n. sp. — Pseudobulbi, folia mihi non visa. Inflorescentia ad 30 cm longa, leviter flexa, paniculata, pauci- ad pluriflora, congesta, panícula circ. 12 cm longa, bractee ramorum amplexicaules ovatae, acutae, breves, illae florum parvae, subsimiles, pedicelli cum ovariis tenuibus curvuli, 1,5 ad 1,8 cm longi. Sepala libera petalaeque subaequalia nisi paulo latiora e basi lineari angusta obovata, obtusa, omnia reflexa, 9 ad 10 mm longa, antice 2,5 mm lata, petala 3,5 mm. Labelli lobi laterales parvi, late oblongi, apice rotundati, sensim in isthmum longiusculum linearem angustata, lobus intermedius flabellatus, profunde bilobulus, lobuli cuneati, antice retusi, crista labelli primum linearis, antice convexa, obscure tridentata, tota superficie minute puberula, totum 1 cm longum, basi 7 mm, antice 1 cm latum. Gynostemium e basi angusta valde dilatatum, late alatum, adeo proclive ut cuculli instar basin labelli obtegat, alae superne et infra acutatae, margine ceterum integrae, rostellum haud longum, buccae tabulae infrastigmaticae bilobulae. — Floret?

Subäquatoriale andine Provinz. Costa Rica (Endres!).

Nota. Specimen ut fere omnia Endresiana mancum; inflorescentia feliciter bene exsiccata. Omnia phylla florum undulata vel crispula sunt, pro certo tamen affirmare non audeo, an viva hoc caractere gaudeant, an solummodo exsiccando crispata sint. Alis ad *Ornithorhyncha* vergit, a quibus ceterum rostello abbreviato et tota indole florum satis discrepat. Nulli proprie affine, gynostemio ad labellum deflexo ab omnibus diversum.